

*Норбўтаев Парда Панжиеевич
тарих фанлари номзоди*

АМИР ТЕМУР НАЗДИДА ИСЛОМИЙ ҚАРАШЛАР МАСАЛАЛАРИ

Амир Темур ўзининг ҳаётий фаолиятида ислом динига таянган. Бу хусусида ўз тузукларида қуидагиларни қайд этиб ўтган: Биринчи шиорим Ислом дини ва Мухаммад Мустафонинг шариатида дунёда ривож бердим. Ҳар ерда, ҳар вақт ислом динини қувватладим. **Қаранг, Темур тузуклари. 53-бет.**

Амир Темурнинг пирлари Амир Шамсиддин Кулол, Шайх Зайниддин Абубакир Тойбандий, кейинчалик Маккадан келган Шайх Саид Барака бўлиб, у киши 1370 йилдан то умрининг охиригача жаҳонгири билан бирга бўлган. Темур билан мусулмон уламолари ўртасида мустаҳкам алоқа ўрнатиб келинган. Темур моҳир саркарда сифатида амирлар, сипоҳийлар, баҳодирлар билан иттифоқда бўлиб, уларнинг мардлиги, мардонаворлигига таяниб: Шамшир зарби билан 27 подшоҳнинг тахтини эгалладим. Эрон, Турон, Рум, Маҳриб, Шом, Миср, Ироқи араб, Ироқи Ажам, Мозандарон, Гilonot, Ширвонт, Озарбайжон, Форс, Хурросон, Даشتி Жете, Даشتி Қипчоқ, Хоразм, Қобулистон, Бахтарзамин, Ҳиндистонга подшоҳ бўлиб ҳукм сурдим, - дейди. **Қаранг, Темур тузуклари. 54-бет.**

Амир Темур бирор бир ишга бел боғлашдан олдин албатта устозлари, пирлари маслаҳатларига, йўл-йўриқларига амал қиласди. Жумладан, Чингизхон авлоди Туғлук Темурхон Моварауннахрни босиб олиш арафасида Амир Темурга, Ҳожи Барлос ва амир Боязид Жалойир номига хат ёзиб, ҳузурига келишларини талаб қиласди. Шунда Амир Темур уларга Туғлук Темурхоннинг олдига боришни маслаҳат қиласди. Лекин улар бу маслаҳатга эътибор бермай, Хурросон томонга қочиб кетишади. Бу ҳолатда Амир Темур ҳам бироз иккиланиб қолади ва Қуръонга мурожаат қиласди. Бу хусусида унинг ўзи қуидагича ёзади: ... Бирон ишни қилмоқчи бўлсан, кенгашиб олгач, кейин Қуръондан йўл излардим ва Қуръон ҳукми билан иш қилардим.

Тутгүлүк Темурхон олдига боришдан аввал Қуръони мажид ҳукмiga амал қилдим **Тузуклар, 17-18-бетлар.**

Соҳибқирон мамлакатда ўз сиёсий мавқеини мустаҳкамлашга ҳаракат қиласын, унинг бу фаолиятига Амир Ҳусайн қарши чиқади. Охир оқибат соҳибқирон ўз мухолифига қарши курашга отланади. Шарафиддин Али Яздий бу ҳақида қуйидагиларни ёзиб қолдирган: Ваҳий куйлагувчи тұти, Оллох бандасига, унга ўзи кашф этган нарсаларни ваҳий этди, роз сўзлайди. У эса, фақат унга нозил қилинган ваҳийларнигина сўзлайди, - деган оятдан илҳомланиб, ҳидоят айлагувчи бу сўзларнинг шукронасини баланд рутубали уммати қалбига жойлади. Чунки, агар Оллоҳнинг иродаси барча лозим нарсани ўзи тайёрласа, - дейилганига кўра, улуг парвардигорнинг муқаддас иродаси ҳар бир нарсани содир бўлишига ва ҳолатнинг юзага келишига тааллуқли топса, унинг воқеий бўлиши учун ҳамма нарсани ҳозирлаб муҳайё қиласи ва унинг амалга ошиш тайёргарчиликларини таппа-тахт қилиб қўяди.

Шарафиддий Али Яздий. Зафарнома, 118-бет. Демак, бу оятларни ўрганиб чиққан соҳибқирон ғалаба учун ҳамма нарса тайёр, фақат уддабуронлик билан иш кўрилса бўлгани, деган хулосага келади.

Темурбек ўз йўлидаги жиддий рақиби Илёсхўжа билан жангга киришдан олдин ҳам Қуръонига мурожаат қиласи. Қуръон саҳифаларидан қуйидаги сатрларни ўқииди: Қанчадан-қанча кичкина гуруҳлар Оллоҳнинг изни билан катта гуруҳлар устидан ғалаба қилган. Бу башоратда бир олам мазмун бўлиб, замирида ҳаётий ҳақиқат ётарди. Бу Қуръони Каримнинг Бақара сураси 249-оятидаги Бадр қудуғи ёнидаги жангга ишора эди.

Қуръони Карим. Ўзбекча изоҳли таржима. Бақара сураси, 249-оят. Тошкент, Чўлпон нашриёти, 31-бет.

Мазкур тарихий воқеага аниқлик киритадиган бўлсак, Муҳаммад саллоллоҳу алайҳи васаллам кам сонли жангчилари билан кўп сонли мушрик курайшлар лашкарини тор-мор этади. Бу тарихий воқеа ислом динининг энг эътиборли саҳифаларидан деб эъзозланади. Шунинг учун ҳам мазкур оят Амир Темурни кам сонли аскарлари билан қўрқмасдан жанг қилишга даъват

этади. Ушбу башоратдан кейин Амир Темур катта ғайрат билан оғир жангга ҳозирлик кўра бошлайди. Бу жангда у ғалабага эришади.

Соҳибқирон ҳаётининг энг мушкул даврларида ҳам Оллоҳга илтижо қилиб ёрдам сўраган. Энг муҳими, Салоҳиддин Тошкандийнинг таъкидлашича, азиз-авлиёлар ҳам Амир Темурга ёрдам қўлини чўзганлар. Ҳиротнинг фатҳ этилиши тарихини тарихчи Фасиқ Хавофий ўзининг Мужмал-и-Фасиҳий, Амир Темур йилномаси асарида 1380-1381 йилларда улуғ шайх, ислом оламида кўзга қўринган олим Мавлоно Зайниддин Абу Бакр ат-Тойбодий билан учрашуви бўлиб ўтганлиги ҳақида ҳикоя қиласди. Бу даврга келиб Ҳирот шаҳрининг деворлари қайта қурилиб мустаҳкамланган эди. Зайниддин Абу Бакр ат-Тойбодий, яъни Амир Темурнинг пири Ҳирот ҳукмронига хат йўллаб, **одамларга озор бермагин, Оллоҳ таолло томонидан юборилган оғатни деворлар билан тўса олмайсан, деган эди.** Унга жавобан Ҳирот ҳукмдори Малик Ғиёсиддин ғазабланиб, Имомлар давлат ишларига аралашмасинлар, - деб жавоб хати ёзади. Шунда Тойбодий Оллоҳдан Ҳирот ҳукмдорларининг мағлуб бўлишини ва ҳокимият Амир Темурга ўтишини илтижо қилиб сўрайди. **Эркин Азимов Амир Темур салтанати. – Т.: 1996. – Б. 35.**

Амир Темур ҳар бир ишга киришишдан олдин ҳар доим Агар бир ишга бел боғласанг, Оллоҳга таваккал қилгин, деган оятни ёдида сақларди. Кимки Оллоҳга таваккал қилса, Оллоҳнинг ўзи пуштипаноҳdir, деган оят ҳам унинг ёдида эди.

Айтиш мумкинки, Амир Темур ҳукмронлиги даврида мамлакатда барқарор тинчлик-осойишталик қарор топдики, бу ҳам, ўз навбатида, Нақшбандий ғоялари асосидаги адолатнинг халқ турмуши баракотига, жамиятда тараққиётга йўл очувчи буюк бир фазилати эди. Энг муҳими, таълим-тарбия ишлари ҳам Нақшбандий ғояларини ифода этувчи мафкура асосида олиб борилди. Фарзандларга ислом динига эътиқод қилишни ўргатиш билан бирга, меҳнатни севишни, ахлоқли бўлишни, одамларга неклиқ кўрсатишни, билим олиш, ҳунар ўргатишни ва бошқа

олижанобликларни уқтиридилар. Масжид ва мадрасаларда талабалар онгига Оллоҳга яқин бўлишнинг тўғри ва самарали йўли таркидунёчилик эмас, балки жамият саодати учун яшаш, бунёдкорлик, савоб ишлар ва меҳнатни қадрлаш, илм ва билим олиш, мукаммал ахлоққа эришиш, хуллас, жамият ҳаётида фаол иштирок этишни тақозо этадиган хулқ-атворни, саъй-ҳаракатни ўзида мужассам этадиган мафкура изчил равишда сингдирилди. **Наим Ғойибов Амир Темур даври маънавияти.** – Т.: 2001. – Б. 19.

Баҳоуддин Нақшбанд тариқатининг Амир Темур даври ғояси ва мафкураси асосини ташкил этганлиги юксак эътиборга молик бўлиши тасодифий ҳодиса эмас. Гап шундаки, Амир Темур машҳур олимлар, шайхлар ва бошқа обрў-эътиборли кишиларни бекиёс даражада улуғлаган, уларнинг айримларини ҳатто ўзининг пири деб эълон қилган. Ана шундай зотлардан бири Шамсиддин Кулолдир. У киши нафақат Амир Темур, балки унинг отаси Тарагай Баҳодирнинг ҳам пирлари бўлган. Тарихий манбаларда ёзилишича, Темурнинг исмини қўйган ҳам, унинг буюк подшоҳ бўлишини башорат қилган ҳам ана шу зот Шайх Шамсиддин Кулолдир. Шамсиддин Кулол Нақшбандия тариқатининг асосчиларидан бири ва бу тариқатнинг такомига етказган буюк Шайх Баҳоуддин Нақшбанднинг ҳам пири бўлиб, ул зотга **зикри хуфия** усулини ўтгатган.

Холоса қилиб шуни айтиш мумкинки, Соҳибқироннинг эзгу мақсади мамлакатда адолатни қарор топтириш эди. Шу мақсад йўлида у тинимсиз кураш олиб боради. **У баҳтли инсон эди, чунки у бир неча бор Хизр бува билан учрашган.** Муҳаммад саллолоҳу алайҳи васаллам авлодлари, саййидларнинг дуоларини олган Тангри таолонинг хос бандаларидан бири эди. Унинг эътиқоди ислом таълимоти ғоялари билан сугорилган эди. Шунинг учун ҳам у ислом динини покловчи, унга ривож берувчи шахс сифатида жаҳон майдонига чиқди ва шу эзгу мақсад йўлида, ислом байроби остида кураш олиб борди. Соҳибқирон умрининг ярмидан кўпини отга миниб жаҳон кезиши билан ўтказди, қаерда исломдан чекиниш бўлса, шу диннинг обрў-эътиборини яна қайта тиклаш учун кураш олиб борди.

